

Satu lagi pusingan liberalisasi ekonomi

PM akan umum dalam bajet bulan depan

KUALA LUMPUR: Akan ada satu lagi pusingan liberalisasi ekonomi dalam penguaman bajet bulan depan, kata Perdana Menteri, Datuk Seri Najib Razak.

"Liberalisasi itu baik untuk daya saingan mapan jangka panjang kita. Ia membina kekuatan intrinsik kita bukan melalui perlindungan atau pun subsidi," kata beliau dalam temu bual dengan *Forbes Asia Magazine*. Temu bual itu disiarkan dalam edisi khas majalah itu bulan ini.

"Kita sudah pun meliberalisasikan ekonomi, tetapi saya perlu meredakan kebimbangan domestik yang pembukaan yang terlalu pantas boleh mengancam," kata Perdana Menteri ketika menjawab mengenai bagaimana Malaysia meliberalisasikan/melonggarkan ekonominya.

"Kita perlu berdaya saing kerana faktor seperti produktiviti, teknologi dan proses kita," kata Najib yang juga Menteri Kewangan.

Mengenai bagaimana ekonomi Malaysia menunjukkan prestasinya, Najib berkata, pemulihan negara daripada krisis kewangan global begitu menggalakkan.

"Berikutan penguncupan ekonomi pada 2009, kita mencapai 7.2 peratus pertumbuhan pada 2010. Pemulihan yang kukuh ini berterusan

ke 2011 dan kita menjangka mencapai pertumbuhan lima hingga enam peratus tahun ini," katanya.

Najib berkata, angka berhubung asas seperti pelaburan awam dan swasta serta penggunaan nampak begitu mantap.

"Antara faktor utama untuk pemulihan ini lonjakan 530 peratus pelaburan langsung asing (FDI) yang mana ia mencecah kira-kira RM28 bilion pada 2010," katanya.

Minggu lalu, Najib mengumumkan untuk separuh pertama 2011,

"

Liberalisasi itu baik untuk daya saingan mapan jangka panjang kita. Ia membina kekuatan intrinsik kita bukan melalui perlindungan atau pun subsidi. Kita sudah pun meliberalisasikan ekonomi, tetapi saya perlu meredakan kebimbangan domestik yang pembukaan yang terlalu pantas boleh mengancam "

Najib Razak
Perdana Menteri

Malaysia menarik RM21.3 bilion dalam jumlah FDI.

"Pelabur semakin yakin dengan program transformasi ekonomi dan model baru ekonomi kita.

"Kita pantas membuat keputusan mengenai menyeragamkan insentif imtuk FDI yang menyumbang dengan ketara kepada pekerjaan yang bergaji tinggi, teknologi baru dan permulaan positif untuk ekonomi tempatan," katanya.

Najib berkata, pada pemulihan global kali ini, 'kita sedang mengukuhkan Malaysia secara strategik sebagai hab untuk ASEAN dan Asia Timur.'

Mengenai hubungan ekonomi Malaysia dengan negara Asia dan Timur Tengah, Najib berkata, negara mempunyai hubungan ekonomi yang baik dengan China dengan jumlah dagangan mencecah RM149 bilion.

Katanya, Malaysia juga menyelesaikan masalah selama 20 tahun dengan Singapura berhubung pendapat mengenai perjanjian dan kini masing-masing dalam mode konstruktif dari segi hubungan dua hala.

Selain itu, katanya, beliau berjaya memajukan hubungan persendirian yang kukuh dengan pemimpin di Asia Barat dan mereka kini melihat Malaysia untuk pembabit ekonomi. - BERNAMA